



MAJLIS PERBANDARAN SEBERANG PERAI

TEKS UCAPAN

YBHG. DATO' Sr HAJI ROZALI HAJI MOHAMUD

YANG DIPERTUA MPSP

SEMPENA

“MAJLIS PENYAMPAIAN HADIAH ANUGERAH KOMUNITI MAMPAN 2016/17”

06 SEPTEMBER 2017 (RABU)

2.30 PETANG

BERTEMPAT DI AUDITORIUM MPSP

BANDAR PERDA

Terima kasih Saudara / Saudari Pengacara Majlis

Yang Berhormat Tuan Chow Kon Yeow,

Ahli Majlis Mesyuarat Kerajaan Negeri Pulau Pinang,
Merangkap Pengerusi Jawatankuasa Kerajaan Tempatan, Pengurusan
Lalulintas dan Tebatan Banjir.

Yang Dihormati Ahli Majlis - Ahli Majlis

Majlis Perbandaran Seberang Perai

Yang Berbahagia Dato' Lee Tiong Lee

Pengurus Amphenol TCS (Malaysia) Sdn Bhd, Bukit Minyak

Ketua - ketua Jabatan dan Pegawai

Majlis Perbandaran Seberang Perai

Rakan - rakan Media

Tuan - Tuan Dan Puan - Puan Yang Dihormati Sekalian

Assalamualaikum warahmatullahi wabarakatuh,

Selamat petang dan salam sejahtera,

Alhamdulillah, bersyukur kehadiran Allah S.W.T. kerana dengan izinnya dapat kita bersama pada hari ini bagi Majlis Penyampaian Hadiah Anugerah Komuniti Mampan bagi tahun 2016/17.

Sebelum itu izinkan saya merakamkan ucapan terima kasih kepada YB Tuan Chow Kon Yeow kerana sudi melapangkan masa untuk ke majlis ini. Tidak lupa juga rakaman jutaan terima kasih dan sekalung penghargaan dari Majlis Perbandaran Seberang Perai kepada penaja - penaja program iaitu Amphenol TCS dan Kelab Lion Bayan Baru kerana sudi menjadi penaja Anugerah Komuniti Mampan 2016/17.

Untuk makluman, Anugerah Komuniti Mampan ini bermula dari tahun 2013. Pada tahun pertama pelancaran, sebanyak 12 komuniti telah menyertainya, tahun 2014 sebanyak 15 komuniti dan tahun 2015 penyertaan adalah sebanyak 18 komuniti. Bagi anugerah penggal keempat ini MPSP mendapat sambutan daripada 21 komuniti. Komuniti yang mampan di tahun 2014 dan 2015 akan meneruskan usaha-usaha mampan yang dijalankan. Usaha ini mestilah ada kesinambungan (*continuity and sustainability*).

Para Hadirin Yang Dihormati Sekalian,

Objektif anugerah ini adalah untuk memberikan pengiktirafan kepada inisiatif-inisiatif hijau yang dijalankan oleh komuniti dalam menjaga kualiti alam sekitar dan kemampanan komuniti seperti yang termaktub di dalam Pelan Tindakan *Local Action 21* Seberang Perai dan penambahbaikan pencapaian komuniti yang cemerlang dalam penjagaan alam sekitar dan kemampanan komuniti. Prinsip LA 21 menggalakkan dan melahirkan sebuah masyarakat dan komuniti setempat yang sihat dan peka terhadap isu - isu alam sekitar untuk diseimbangkan dengan perkembangan ekonomi dan pembangunan sosial.

Dalam anugerah ini, aktiviti - aktiviti inisiatif komuniti mampan yang boleh dijadikan rujukan peserta adalah seperti :

- i. Kitar Semula
- ii. Pengasingan Sisa di Punca
- iii. Kompos Sisa Organik
- iv. Membuat jus buah - buahan tertapai
- v. Penanaman pokok,
- vi. Pengindahan
- vii. Kebersihan taman
- viii. Kebun Kejiranan
- ix. Kempen kesedaran alam sekitar dan program sosial
- x. Gotong - royong.

Para Hadirin Yang Dihormati Sekalian,

MPSP amat berterima kasih kepada YBhg. Dato' Lee Teong Li, Pengurus Besar Amphenol TCS (Malaysia) Sdn Bhd kerana sudi menjadi penaja utama dan menganjur komuniti mampan bagi tahun 2016 / 2017. Wang tunai sebanyak RM13,700.00 disumbangkan oleh Amphenol TCS selain dari tunjuk ajar kepada komuniti.

Sebagai makluman, Amphenol TCS amat prihatin terhadap alam sekitar. Syarikat ini bukan sahaja menganjur anugerah ini, tetapi juga menjadikan Sungai Junjung Mati sebagai anak angkat bagi rawatan air sungai. Pekerja - pekerja Amphenol dan pelajar SMK Taman Perwira bekerjasama menghasilkan bebola tanah bagi rawatan air sungai. Selain daripada itu, Amphenol TCS bukan sahaja menyumbang tenaga bagi khidmat komuniti bahkan juga mengamalkan pengasingan sisa organik kantin bagi pengkomposan dan juga tidak menggunakan straw di kantin. Ini merupakan satu teladan yang baik bagi industri yang lain. Saya berharap kerjasama dan penajaan ini akan berterusan untuk tahun hadapan dan seterusnya.

MPSP telah mengadakan kerjasama strategik dengan Autocity Sdn Bhd bagi menganjurkan Karnival *Upcycle* pada setiap malam Ahad minggu pertama setiap bulan. *Champion Upcycle* yang mempunyai produk untuk memasarkan barangan mereka boleh mendaftar dengan MPSP untuk diberi tapak secara percuma dengan syarat barangan yang dipasarkan adalah produk *Upcycle* yang dihasilkan sendiri oleh mereka.

MPSP juga mengadakan bengkel penghasilan produk *Upcycle* untuk semua peserta yang berminat samada individu atau kumpulan pada setiap hari Sabtu minggu ke tiga secara percuma. Sekiranya berminat, sila hubungi **En Chew Eng Seng** daripada MPSP di talian **012 - 4779330**.

Para Hadirin Yang Dihormati Sekalian,

MPSP sedang merangka Pembentukan **Pelan Strategik 2018 - 2022**. Dalam pembentukan pelan strategik, MPSP melibatkan *stakeholders* dalam menentukan 10 Fokus area yang akan dijadikan *strategic priorities* melalui kajian soal selidik. Borang kaji selidik ini bertujuan untuk mendapatkan input serta pandangan daripada *stakeholders* mengenai Seberang Perai yang mereka inginkan pada tahun 2022. MPSP akan menumpukan 10 *strategic priorities* yang

menjadi fokus utama dalam mengerakkan Pelan Strategik MPSP 2018 - 2022. Borang kaji selidik ini akan digunakan dalam mendapatkan input melalui *online survey*, edaran soal selidik kepada pejabat - pejabat YB, Ahli - ahli Majlis, warga Seberang Perai dan *outreach programs*.

Borang kaji selidik secara *online survey* telah dipaparkan di laman web MPSP www.mpsp.gov.my pada 30 Ogos 2017 untuk tempoh dua (2) tahun. *Stakeholders* boleh mengisi borang “Kaji Selidik Kehendak” secara online melalui www.mpsp.gov.my dengan klik pada borang “Kaji Selidik Kehendak Pelanggan terhadap Pembentukan Pelan Strategik MPSP 2018 - 2022. Pengguna dikehendaki mengisi semua ruangan yang telah disediakan dan memilih 10 fokus area yang perlu diberi keutamaan oleh MPSP. Setelah selesai mengisi 10 fokus area, pengguna disyorkan mengemukakan cadangan berkenaan **Pernyataan Visi Seberang Perai Tahun 2022.**

Sebelum mengakhiri ucapan, ribuan terima kasih sekali lagi kepada Amphenol TCS dan Kelab Lion Bayan Baru yang menaja dan bekerjasama dengan MPSP dalam Anugerah Komuniti Mampan ini. MPSP sangat berbesar hati dan berharap Amphenol TCS dan Kelab Lion Bayan Baru dapat terus menaja anugerah seperti ini di masa dan tahun - tahun yang akan datang. Di samping itu, saya juga berharap

lebih banyak lagi syarikat-syarikat besar di luar sana akan mengikut jejak langkah Amphenol TCS dan Kelab Lion Bayan Baru untuk menjayakan hasrat MPSP dan Kerajaan Negeri Pulau Pinang ke arah mencapai “***International World Class Intelligence City***”.

Sekian, Wabillahitaufik Walhidayah Wassalamualaikum Warahmatullahi Wabarakatuh. Terima kasih.